

Cymdeithas Eryri
Snowdonia Society

ERYRI GYFOETHOG EI NATUR I BAWB

CYNLLUN GWEITHREDU STRATEGOL 2025 - 2027



“Efallai yn y byd i gyd nad oes yr un ardal harddach na’r Wyddfa, ardal o fynyddoedd, llynnoedd, rhaeadrau a llwyni, lle mae Natur yn dangos ei hun yn ei ffurfiau mwyaf godidog a hardd.”

George Borrow yn ysgrifennu yn Wild Wales ym 1868



Gyda'n gilydd rydym yn gofalu am ein tirweddau gwerthfawr

Gydag arwynebedd o 823 milltir sgwâr, Eryri yw Parc Cenedlaethol mwyaf Cymru. Mae'n gartref i 26,000 o bobl. Mae pedair miliwn o bobl yn ymweld ag o bob blwyddyn. Mae'n cynnwys naw cadwyn o fynyddoedd, 74 o filltir o arfordir, 24 o bentrefi bach a phum tref. Heddiw mae'n wynebu pwysau digynsail. Gallai argyfwng hinsawdd a natur olygu y bydd un o bob chwe rhywogaeth, yn eu plith llygoden y dŵr a lili'r Wyddfa, yn diflannu o Gymru, fel y datgelodd Adroddiad ar Sefyllfa Natur Cymru. Yn gynyddol mae pobl yn teimlo diffyg cysylltiad â byd natur tra bod cyfryngau cymdeithasol yn denu niferoedd mawr i fannau anghysbell, gan roi pwysau cynyddol ar y dirwedd. Mae pwysau enfawr y niferoedd yn arwain at broblemau sbwriel, parcio amhriodol a datblygiad niweidiol. Mae amaethyddiaeth yn wynebu cyfnod o newid radical ac mae ansicrwydd ynghylch pa mor llwyddiannus fydd Llywodraeth Cymru yn ei bwriad i dalu rheolwyr tir a ffermwyr i fynd i'r afael â newid hinsawdd a cholli bioamrywiaeth yn ogystal â chynhyrchu bwyd. Mae pwysau costau byw wedi effeithio ar y dewisiadau y mae pobl yn eu gwneud ac mae elusennau'n ei chael hi'n anoddach recriwtio aelodau a gwneud cais llwyddiannus am grantiau.

Serch hynny, mae mwy o bobl nag erioed yn cydnabod bod newid hinsawdd yn effeithio'n ddifrifol ar yr amgylchedd a bywydau miliynau. Mae llawer eisoes yn cymryd camau i wrthweithio ei effeithiau a byddai mwy yn gwneud hynny pe bai cyfle iddynt yn y ffordd gywir.

Mae Cymdeithas Eryri wedi bod yn gofalu am y dirwedd ers bron i 60 mlynedd. Yn yr amser hwnnw:

- ni fu'r unig fudiad gwirfoddol sy'n bodoli'n unig i warchod a gwella harddwch a rhinweddau arbennig Eryri er budd pawb sy'n byw, gweithio ac yn ymweld â'r ardal, yn awr ac yn y dyfodol;
- rydym wedi hysbysu ac ysbrydoli cenedlaethau o wirfoddolwyr a chefnogwyr i gymryd rhan mewn camau ymarferol i wella bioamrywiaeth Eryri ac i gynnal ei nodweddion dynol megis llwybrau, ffensys, cloddiau a waliau, ac yn cael ein cydnabod am hyn fel ein cryfder craidd;
- rydym wedi herio newidiadau arfaethedig a oedd yn fygythiad sylweddol i warchod Eryri ac wedi dadlau dros werthfawrogiad a dealltwriaeth well o'r ardal hynod hon.

Mae adeiladu ar y gwaith hwn yn hanfodol er mwyn sicrhau ein bod yn cynllunio'n ddoeth ar gyfer y dyfodol ac yn sicrhau'r adnoddau angenrheidiol i wneud gwahaniaeth.





Ein gweledigaeth

Ysbrydoli mwy o bobl i weithredu'n gynaliadwy i gefnogi Eryri sy'n fwy cyfoethog o ran natur y gall pawb gysylltu â hi, ei dathlu a'i gwerthfawrogi

Gwneud Eryri yn esiampl ar gyfer rheolaeth gynaliadwy ar dirweddau dynodedig, lle mae pobl o gefndiroedd amrywiol yn weithgar wrth sicrhau bod tirwedd, diwylliant a'r dirwedd hanesyddol yn cael eu gwerthfawrogi, eu gwarchod a'u mwynhau.

Rydym am arwain ymdrechion i gyfoethogi byd natur ym Mharc Cenedlaethol Eryri. Rydyn ni eisiau ysbrydoli'r rhai sy'n byw, yn gweithio ac yn ymweld ag Eryri i werthfawrogi'r hyn sydd gennym ni a chwarae eu rhan wrth ofalu amdani hi. Byddwn yn gweithio gydag Awdurdod Parc Cenedlaethol Eryri, partneriaid eraill, sefydliadau gwirfoddol, ein haelodau ein hunain, staff a gwirfoddolwyr, busnesau a'r cyhoedd yn ehangach i gyflawni'r camau gweithredu sydd angen i ni ddiogelu a gwella'r lle arbennig yma, sef Eryri. Byddwn yn gwerthuso'r gwahaniaeth a wnawn trwy fesurau a naratifau priodol sy'n esbonio'r hyn rydym wedi'i gyflawni.

Ein Cenhadaeth

Addysgu a hysbysu er budd Eryri sy'n fwy cyfoethog ei natur.

Hyrwyddo a siarad dros warchod natur a threftadaeth ar draws Eryri.

Ein nod yw nodi meysydd lle gall y Gymdeithas gael yr effaith gadarnhaol fwyaf dros gyfnod o amser.



NODAU	CANLYNIADAU	ALLBYNNAU	MESURIADAU
<p>Ysbrydoli</p> <p>Ysbrydoli llawer mwy o bobl i gymryd rhan yn, a gweithredu, fel aelodau a gwirfoddolwyr ac, i gefnogi Eryri sy'n fwy cyfoethog o ran natur.</p>	<p>Mae ein sylfaen gefnogaeth yn adlewyrchu maint a phwysigrwydd Eryri</p> <p>Cyrraedd llawer mwy trwy wybodaeth ac eiriolaeth ar y ffordd orau i ofalu am Eryri</p>	<p>Recriwtio rhagor o aelodau</p> <p>Digwyddiadau ymgysylltu sy'n cynnwys, yn ysbrydoli ac yn recriwtio aelodau a gwirfoddolwyr</p> <p>Cyrraedd mwy o bobl mewn ffordd digidol</p> <p>Eiriolaeth ac ymwybyddiaeth ar-lein</p>	<p>Cynnydd mewn niferoedd</p> <p>Ystadegau digidol</p>
<p>Ffocws</p> <p>Gweithredu ymarferol trwy ein gwirfoddolwyr a'n partneriaid yw'r peth rydym yn ei wneud orau. Fodd bynnag, o ystyried maint ac anghenion daearyddol Eryri rydym yn anelu at ganolbwyntio ar adferiad natur, bioamrywiaeth a'r argyfwng hinsawdd a blaenoriaethu'n fwy trwyadl ar yr hyn a wnawn i gynnal y dirwedd.</p>	<p>Rhaglen weithredu ymarferol fwy strategol a hirdymor</p> <p>Mwy o effaith yn cael ei gyflawni trwy gyfranogiad cymunedol</p> <p>Ein hymagwedd wirfoddoli yn cael ei fabwysiadwyd gan eraill fel rhan o fudiad gweithredu ehangach</p>	<p>Adferiad natur</p> <p>Camau ymarferol eraill</p> <p>Gwelliant detholus</p> <p>Ymgysylltu cymunedol</p> <p>Datblygu, hyrwyddo a rhannu model gwirfoddoli a'i hyrwyddo mewn mannau eraill</p>	<p>Monitro tymor hwy</p> <p>Adborth gwirfoddolwyr</p> <p>Mae cymunedau yn trefnu gweithgareddau yn annibynnol.</p>


NODAU	CANLYNIADAU	ALLBYNNAU	MESURIADAU
<p>Dylanwad</p> <p>Rydym yn cael ein cydnabod fel chwaraewr hanfodol ac fel cyfranwr uchel ei barch o ran newid amgylcheddol cadarnhaol yn seiliedig ar ein gwybodaeth helaeth, profiad ac annibyniaeth</p>	<p>Mae ein cyfraniadau yn dylanwadu ar ganlyniadau polisi ac rydym yn llwyddo i herio gweithredoedd a fydd yn niweidio tirwedd Eryri yn ddifrifol</p>	<p>Ymgynghoriadau polisi</p> <p>Ymgyrchoedd ar faterion unigol</p> <p>Gwrthwynebiad i niweidiol ceisiadau cynllunio</p> <p>Bod yn ffrind beirniadol i Awdurdod y Parc Cenedlaethol a'i ddal i gyfrif am gyflawni Cynllun Eryri (Cynllun Rheolaeth y Parc Cenedlaethol)</p> <p>Cefnogi datblygiadau cadarnhaol</p>	<p>Cyllid ac adnoddau</p> <p>I ba raddau y mae ein ceisiadau am gyllid yn llwyddiannus?</p> <p>I ba raddau y gweithredir ar ofynion eiriolaeth penodol</p>
<p>Cryfhau</p> <p>Ein nod yw cryfhau ein perthynas â phartneriaid i fod yn fwy strategol. Byddwn yn cryfhau ein tîm gwych trwy ddatblygu sgiliau a hyfforddiant</p>	<p>Llai o berthnasoedd partner, ond rhai mwy strategol a chydffuddiannol, yn canolbwyntio ar y tymor hirach i wella'r effaith y gallwn ei chael</p> <p>Gwaith tîm mwy effeithlon ac effeithiol ar gyfer cyflawni'r strategaeth hon</p> <p>Mae amrywiaeth a chynhwysiant yn gwella deinamig y tîm</p> <p>Sicrhau bod ased Tŷ Hyll yn cael ei ddefnyddio'n effeithiol i gefnogi amcanion cyffredinol y Gymdeithas. Daw'r brydles gyffredol i ben yng ngwanwyn 2026.</p>	<p>Cytuno blaenoriaethau, rolau a hyd y cydweithio gyda phartneriaid</p> <p>Hyfforddiant a datblygiad i staff ac ymddiriedolwyr</p> <p>Polisi cydraddoldeb, amrywiaeth a chynhwysiant yn ei le</p> <p>Lleihau ein hól troed carbon</p>	<p>Sicrhau cyfle cyfartal priodol wrth recriwtio a hyfforddi</p>

Ein hadnoddau

Pobl: ein hadnodd hanfodol:

- 1400+ o aelodau o bob rhan o ogledd Cymru, y DU a'r hwnt
- 11 aelod o staff - Cyfarwyddwr, Rheolwr Rhaglen, Swyddog Aelodaeth a Chyfathrebu, Uwch Swyddog Cadwraeth, dau Swyddog Cadwraeth, Gweinyddwr Gwirfoddolwyr a Digwyddiadau, Swyddog Ymgysylltu, Cyfrifydd, dau Hyfforddai Cadwraeth.
- 600+ o wirfoddolwyr, yn darparu dros 4,000 o oriau o amser gwirfoddoli bob blwyddyn
- 8 ymddiriedolwr, sy'n dod ag amrywiaeth a dyfnder o wybodaeth a phrofiad i'r Gymdeithas. Mae aelodau yn ethol yr ymddiriedolwyr yn y Cyfarfod Cyffredinol Blynyddol. Mae'r ymddiriedolwyr gyda'i gilydd yn ffurfio'r Bwrdd sy'n gyfrifol am lywodraethu'r Gymdeithas.

Ein nod yw cynnal y capasiti presennol hwn tra'n sicrhau bod ein holl adnoddau'n cael eu targedu'n effeithiol at gyflawni'r nodau a'r canlyniadau uchod.



“Pam, Arglwydd, y gwnaethost Gwm Pennant mor dlws. A bywyd hen fugail mor fyr?”

Eifion Wyn

Ein ffyrdd o weithio

Mae sut rydym yn gweithio yn effeithio ar sut rydym yn cael ein gweld, ein parchu a'n gwerthfawrogi gan eraill a'r gwahaniaeth a wnawn:

- Rydym yn llais annibynnol a gwybodus ar gyfer Eryri
- Mae hyfforddi gwirfoddolwyr a buddsoddi mewn pobl ifanc yn ein galluogi i gyflwyno'r rhaglen wirfoddol fwyaf, Dwylo Diwyd, yn Eryri sy'n cynnwys pobl o bob oed a chefnidir.
- Drwy weithio mewn partneriaeth gallwn gyflawni mwy
- Rydym yn cefnogi'r iaith Gymraeg a diwylliant Cymru
- Rydym yn gweithio i gydnabod cydraddoldeb, amrywiaeth a chynhwysiant



Ein gwerthoedd

Ein gwerthoedd yw:

- Cryf, pwrpasol ac uchelgeisiol i Eryri
- Yn agored ac yn onest am benderfyniadau a champau gweithredu a gymerwn, yn atebol i aelodau'r Gymdeithas
- Cael gwybod am faterion sy'n effeithio ar Eryri a chyfleoedd newydd i gyflawni ein pwrpas
- Parchu safbwyntiau eraill ac annog trafodaeth a chydweithrediad
- Beiddgar a sefyll dros Eryri

Rydym yn fudiad aelodaeth ac aelodau yw ein cryfder craidd sy'n gwneud ein gwaith dros Eryri yn bosibl. Mae'r strategaeth hon yn nodi'r cyfeiriad cyffredinol ar gyfer y tair blynedd nesaf.

Bydd cynlluniau busnes blynyddol yn cael eu gosod allan bob blwyddyn gan gynnwys y gweithgareddau a'r adnoddau sydd eu hangen i weithredu ein nodau, canlyniadau ac allbynnau.



Credydau Llun

Dan Struthers pages 1,11,15,16, & 17

Richard Jones page 2 & 3

Peter Simpson page 4

Sam Binks page 7

Gareth Jones page 8

“Peidiwch byth ag amau
y gall grŵp bach o
ddinasyddion meddylgar,
ymroddedig newid y byd; yn
wir, dyma’r unig beth sydd
erioed wedi gwneud hynny.”

Margaret Mead